

3094.





Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
Hielmst. 3094 8° (LN 349)






Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
Hielmst. 3094 8° (LN 349)




Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
Hielmst. 3094 8° (LN 349)





Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
Hielmst. 3094 8° (LN 349)



Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
Hielmst. 3094 8° (LN 349)



DA-BOX

= LN 349

Nº 3094.



*M. Müller fecit*




= LN 349

H



3094.







E G L O G A

NOVA ET  
FESTIVA, DE PA-  
CIS FOEDERE INTER

*Inclita & potentissima regna, Daniæ &  
Sueciæ, nuper inito.*

*IN QVA PRAETER ALIA LE-  
ctu non iniucunda, belli quoq; Duces,  
& alij viri generosi, celebrioresq; Dani-  
cæ Nobilitatis familiae, nec non præ-  
cipua bellicarum navium nomi-  
na recensentur.*

A V T O R E

IOHANNES LAVREN-  
tius Amerino Ripensi.

VVITEBERGAE,

Excudebat Clemens Schleich & An-  
tonius Schöne.

ANNO M. D. LXXIII.







# VENERANDIS ET COMMEMORABILI

PIETATE, ERUDITIONE, OMNI-  
genisq; virtutibus clarissimis viris, D. Magistro  
IOHANNI LAGONIO, Ripensis diæce-  
seos Superintendenti vigilantissimo: Et D. Ma-  
gistro IACOBO MATTHIADÆ Vuiel-  
leio, Ecclesiæ cathedralis Ripensium Pastori pri-  
mario atq; fidelissimo. Dominis, Præce-  
ptoribus, ac Mecænatibus suis  
reuerenter colendissi-  
mis. S.



VERAM & non fucatam  
συμπάθεια omnium humani  
ingenij, & mansueti animi,  
officiorum fontem esse, à di-  
gnitate tua reuerendissime D. Magister  
Iacobe, praeceptor meritissime, sæpius in-  
ter alia salubrioris disciplina monita per-  
cepi. Vtpotè quæ dolentibus condolere,  
atq; gaudentibus congaudere faciat. Sed  
tamen magis legitimam & efficacem il-  
lam sentiri, quæ in parentum, & aliorum  
consanguinitate, vel affinitate iunctorum  
negocio se exerit. Maximè vero vehe-

A 2

mentem



mentem & seriam experiri eam, quæ ab  
affectu in patriam prorumpit. Et quam-  
uis utraq; non doctrina, non praeceptis,  
instillatam, vel legibus inculcatam, sed  
ab ipsa natura haustam esse: Insuper quoq;  
non solum Philosophis & Ethnicis sanio-  
ribus approbatam, & nonnunquam san-  
guinis & vitæ profusione stabilatam:  
Verumetiam voce diuina mandatam, &  
in Ecclesia receptam, constet: Tamen  
hanc plus amplectendam, tanquam publi-  
cum bonum (quod priuato semper antefere-  
re decet) videri. Execrandam igitur  
omnē in patriam ἀσογίαρ, ἐπιχαλγεακίαρ  
atq; cyclopicum stuporem. Cunctaq; earum  
mancipia pro praesentissimis naturæ mon-  
stris, fædisimisq; alastoribus & cathar-  
matis habenda: Iura tam diuina quam  
naturalia conculcantibus, pœnasq; aliquan-  
do grauissimas Deo ipsi, & naturæ luitu-  
ris. Id ego recenti memoria reuoluens,  
cum nuper certior de patriæ nostræ muta-  
to statu redditus essem: non potui non  
tanta affici & exultare letitia, quantò  
prius (durantibus nimirum bellicis tumult-  
ibus)



tibus) mœrore immersus hæsi. Et licet à  
violenta annua febris tortura, nec non in-  
finitorum pharmacorum excarnificationi-  
bus tanta sit virium corporis mei enerva-  
tio, tanta ingenij hebitudo nec non sen-  
suum omnium debilitatio, ut neq̃ mens,  
neq̃ manus satis suum officium faciat:  
 Intermittere tamen nequaquam potui,  
 quin internum affectum, externis signifi-  
 cationibus proderem. Colloquium itaq̃  
hoc præsens rusticum Thaliolæ nostræ ex-  
cidit: quo non saltem patriæ gaudere, sed  
etiam regno Suetico gratulari conata est.  
 Quod autem rudiori orationis filo con-  
 textum est, partim eius languori impu-  
 tandum erit: Tantummodo namq̃ (ut  
 dici solet.)

Carmina proueniunt animo deducta sereno:  
 Et: Si quem dira Iouis supremi læserit ira  
Pieridum dulces negligit ille sonos.

Partim verò personis introductis, ad  
 quas stylus moderandus fuit. Præterea si  
 quid in materia ipsa erratum sit (viro-  
 rum nimirum illustrium debito non seruato or-  
 dine vel eorundem assignatis in bello mu-

A 3 nijs,



nys, & rebus gestis minus apte expressus.)  
id alijs tam exteris quam nostratibus, qui  
totum belli tempus & negocium memine-  
runt, quorum relatione omnia habeo, as-  
scribendum puto. Me etenim puero  
adhuc, exortum: & in peregrinis atq; lon-  
giquis versante oris, gestum & composi-  
tum est. Et quia privati saltem exerci-  
tij gratia illud institui, minus diligentia  
adhibitum fateor. Non enim unquam  
diuulgaturum decreui. Nequaquam etenim  
duorum nobilissimorum patria nostra poe-  
tarum, nempe magnifici & celeberrimi  
D. Doctoris Erasmi Leti, & D. Doctoris  
Iohannis Francisci Ripensis: praeterea D.  
M. Iohannis Sadolini, et aliorum clarorum  
in regno Danico virorum, memoria me  
fugit. Quorum eruditissima & exerci-  
tissima vena, totum negocium pro digni-  
tate laudabiliter & faeliciter decantatum  
iri non dubito: ne ego inter strepere anser  
olores, aut humilis lauros inter saliuunca  
frondes (ut prouerbum est) explicare  
velle viderer: Vicit tamen frequens &  
seria intimatorum quorundam sollicitatio

&



& autoritas: quorum precibus diutius re-  
 pugnare pertinacis & stolidi magis, quam  
 verecundi aut grati esse arbitrabar. Tan-  
 dem itaq; typographo illud quicquid est,  
 publicandum committere cogor. Cando-  
 re tamen omnium melius intelligentium,  
 aequiusq; iudicantium fretus. Zoilis, Mo-  
 mis, nasutisq; πολυπραγμονικοῖς nihil con-  
 cedens, priusquam ipsi melius inter feбри-  
 les horrores & paroxysmos huiusmodi  
 meditatum dederint.

Vestrae autem paternitati, viri reue-  
 rendi & clarissimi illud dedicare placuit.  
 Tum ut memoriam amoremq; vestri apud  
 me perpetuo vivere significarem. Tum  
 etiam ut quaecunq; grati animi mei, ob  
 tot & tanta P. V. merita & beneuolen-  
 tiam, vicissim extaret indicium. In nulla  
 dubitatione relinquens, nimirum qui ea-  
dem honesta & celebri sint prognati fa-  
milia, eadem eruditione & virtute ad  
summum dignitatis euecti fastigium,  
eiusdem officij curam, eodem in loco & ci-  
uitate gerant: Deniq; unum & idem sint,  
velint & agant: quin eodem pariter se



affici munusculo sint passuri. Omniaq;  
in dexteriore partem accepturi. Quam  
diutissimè & florentissimè viue & vale  
Præsul reuerende & vigilantissime: Tuq;  
Pastor venerande & fidelissime. Deus  
æternus terq; opt: max: utrunq; regat, tu-  
eatur & perpetuo benedicat. Amen.  
Lipsiæ 7. Maij, Anno à partu virginis sa-  
lutifero 1 5 7 2.

Paternitati vestre addictus  
& deditiss.

Iohannes Laurentius  
Amerinus.



TOPO.



# TOPOGRAPHIA CIVITATIS RE- PENSIS.

**V**Rbs iacet antiquas inter celeberrima sedes,  
Quæ sua magnificis præbent cunabula Cim-  
bris.

Non indigna trahens ab amænis nomina ripis.  
Ingenijs opibusque valens, virtute potensque.  
Herbiferis hinc cincta iugis, viridantibus atque  
Saltibus, & liquidis istinc circumsona stagnis,  
Omni genio quæ pisce scatent: nec plura Cayster  
Audit in algidulis Cygnorum carmina lymphis.  
Undique plena virent pomaria, & vndique picti  
Suanibus irrigui visuntur floribus horti.  
Adde tot hyblæis vernantia prata rosetis  
Florilegis dulces apibus præbentia succos.  
Adde etiam vario tot apricos germine campos,  
Immixta arboreis ubi stant virgulta frutetis,  
Argutos volucrum semper resonantia cantus.

Prædia quid memore, circumque iacentia rura?  
Rura, soli glebæ, & pecoris ditissima pinguis:  
Ditiaque egregijs multum pastoribus: inter  
Quos haud pro minimis Corydon & Thyrsis ha-  
Huic pater Opilio, sed filius ille bubulci: (bentur:  
Patris vterque fuit studij successor & hæres,  
Ac florens annis: inter se qualia nuper

A S Verba



Verba volutabant (etenim sunt digna relatu)  
 Dicere fert animus. Tu nostris annue coeptis,  
 Cuius ope exilis melius modulatur auena.  
 Vosque favore meis patriæ duo lumina terræ.  
 Aspirate ausis, solitumque aduertite vultum.  
 Te venerande reor Præsul; puto teque fidelis  
 Saluifici vocem qui clangis, buccina, Christi:  
 Cuius vterque vigil fidusque est pastor ouilis,  
 Hæc quibus exiguis cano pastoralia cannis.

## C O R Y D O N E T T H Y R S I S.



THYRSI gregis custos Cimbrorum,  
 gloria Thyrsi,  
 Quo te quæso pedes? an læta Pali-  
 lia nobis

Te reddunt? an te via Thyrsi reducit ab vrbe?  
 THYR: En Corydon, multos Corydon non vixit per annos,  
 O tempestiuè quàm nunc conuenimus ambo:  
 Me videant vtinam lemuresque, lupique, priores,  
 Atque sinistra malum promittat ab ilice cornix,  
 Si Thymus aut Apib. Corydon, Cythisusue capellis  
 Rosque Cicadarum turbæ, aut messoribus vmbra,  
 Quam tuus aduentus mihi, posset gratior esse.

CO R: Et te, crede mihi, tantundem gaudeo, viuum  
 Ac iterum, (quod vix sperassem) offendere saluū.  
 Nam me tot casus, & tot discrimina rerum,

Dum



Dum patrios linquo fines, peregrinaque lustra  
 Rura (nouenarum superatus amore sororum)  
 Iactant, possis vix ut benè credere Thyrsi.  
 Quippe fidem Corydon dictis facit ora colorans  
 Pallor, & apparens macies in corpore toto:  
 Usque adeo, penitus quod sis mutatus ab illo  
 Qui patrias pernas & pingues deseris offas,  
 Tunc benè pastus eras, at nunc vix ossibus heres,  
 Vilior imò etiam solito, tua penula testis  
 Esse potest, vsumque pedi quod fustis habebit.  
 Haud aliter fit cum peregrino ignotus in agro  
 Degit, & à fidis procul est semotus amicis.  
 Ast ego quid contrà quoque te mutasse priorem  
 Tàm vultus habitum, quam vestis cerno figuram?  
 Nam nunc ruga tuâ non sulcat, ut antea, frontē,  
 Tristia nec pronus figis modò lumina terræ,  
 Inficit aut faciem fuligo, nec amplius hærent  
 Labra sitis, scapulas hirtus tibi crinis obum-  
 Pendula vel casum minitatur stiria naso: (brat:  
 Plurima cōfusam nectunt neque stramina barbā,  
 Implicuit solitas in eam nec Aranea casset.  
 Adde quod et lacero, quoque versicoloribus aucto  
 Panniculis sagulo liber sis, semper ab vno (uit.  
 Quod pendens humero terram malè verrere sue-  
 Denique non magè iam perones turpiter amplos  
 Prominulis caligæ fibris, onerando fatigant:  
 Prospicit aut tremulis, soleas per, stramē aristis.  
 Quid multis? nouus es Thyrsis vultuque, coloreque  
 Et

THYR:

macilent

COR:

feng  
nisis

feng



Et gestu, cunctoq; habitu, nouus es modò Thyrsis.  
 Sed ramen hæc habeat quam transmutatio causam  
 Admiror, dubitoque simul, scire atque peropto.  
 Dic tua num sobolem peperit tibi Thyra recentē?  
 (Thyra, bonos qua non solertior altera mundis  
 Condere caseolos manibus, pedibusque mouere  
 - Ocyor extenso dentatam in stamine telam)  
 Siue nuces tuus est Mopsus sparsurus? an ipsi  
 Obsecro Nisa datur iam? sæpius antè negata.  
 Est adeò seu fortè Caper tibi saluus, & hædi,  
 Totq; modò teneros numeras cū matribus agnos,  
 Fœturasque bouum, tot & vbera lacte grauantur,  
 Undè frequens habeas quod possis vèdere in vrbe  
 - Molliculis istis multosque emungere nummos, *verbo*  
 - Ut tua incundo tibi mantica turgeat ære.  
 Subrides quid quæso? ipsam num tangere quod rē  
 Sic potui? vel me quia coniectura fefellit?  
 Thyrsi, profectò alias rimari nescio causas. *conjectura*  
 THYR: O Corydon tantum tua diuinitio fallit  
 Quantum inter distant se, præsens atque futurū.  
 Namque licet tantis ex prosperitatibus illis  
 Venit adhuc non vlla mihi, tamen optima firmat  
 Me spes, haud multos post soles esse futuras  
 Non illas modò, quin maiores forsitan illis.  
 Sed te cum teneat tanta admiratio nostri,  
 Nec non tantus amor quæsitæ noscere causas,  
 Te nostræ stimulet nouitatis, & vndè suborta  
 Sint mihi letitiæ tot signa, docebo: tuumque

In



*In gremium Corydon ego largiter omnia fundam.* *Expone*

*In longum forsan, nos inter, sermo trahatur,* COR:

*Atque via fessis, statio solet esse molesta,*

*Vixque teres ultra incumbentem sustinet alnus:*

*Attamen optarem vehementer noscere cuncta.*

*Vis nos ne illo igitur viridi confidere colle* THYR:

*Frondentis patulo Platani sub tegmine, fontis*

*Propter aquam, qua non vitreis umbrosior undis*

*Alter in his usquam fluit, estque salubrior, oris:*

*Nutrit odoriferis vel plures floribus herbas:*

*In spem baccarum, fouet aut cum Vitice, Myrtos*

*Ingiter afflatas zephyrique apiumque susurro.*

*Quò tibi cunque lubet concedere Thyrsi sequor te.* COR:

*Ergò age iam paribus properemus gressibus illuc.* THYR:

*Assideas mihi sed propius: Nunc arrige sensus.*

*Optimus ô Corydon hæc Pan mihi gaudia fecit*

*Pan tenet ætherei sacra qui Pineta Lycaej,*

*Omnia qui fecit, moderatur, & omnia seruat:* *Scis*

*Præcipue sed curat oues, ouiumque magistros*

*Quotquot eñ agnoscunt, benè fidunt, atq; verètur.*

*Ipse meos ultra est cantus haud passus inanes*

*Quos mea arundinibus, constat quæ fistula septè*

*Hactenus ingemuit, sed pondus fecit habere*

*Nunc tandem, votisque dedit tam sæpè petitos*

*Euentus hæc non cur gaudia quæso fouerem?*

*Thyrsi precor, quid sit non longa exordia nocte,* COR:

*Expedias breuius, mihi mens in pulte vagatur.*

*Scis Corydon estque heu nimium meminisse necesse* THYR:

*Postquam*



*Postquam* finitimos furtim irrepsisset in agros  
Monstrū atrox, nigri proles horrenda Barathri,  
Eumenidum cognata, trucidis soror aspera Martis,  
Bellona à bello, & funesta strage vocata:  
Atque ibi feralis discordia semina belli  
Sparsisset, facilesque animos ad iurgia, & iras  
Insuper & maltum sitientia corda cruorem  
Vicinis vafra pastoribus arte parasset:  
Scis inquam ex illo quanti mox tempore, quanti  
Inter (quem semper benè seruent numina) nostrū  
Daphnin, & illorum capitaliter inter Amyntam  
Cæperunt turbæ: scis quot violenter in annos  
Durarint, & quid secum traxere malorum.

**COR:** Quanta magistrorum veniunt incommoda Thyrsi  
Disidijs, luctaque graui, quem quæso lateret?  
Hæc etenim non sunt saltem pastoribus, atque  
Armentis clades, & lamentabile fatum,  
Imò ipsis etiam sæpè exitiale magistris,  
Præcipue cui causa fuit mala, corque proteruum.

**THYR:** Hoc exempla probant etiam nuperrima, verum  
Quò melius noscas, succinetius ordine pandam  
Omnia, quæ mihi sunt aliorum voce relata:  
Ipse etiam vario quæ cum discrimine vidi  
Ergò ubi finitimos nostros ad prælia sensit  
Proclines, Bellona ferox, furibunda cæcinnans  
Profilit, & celeri pede gaudia terque quaterque  
Testatur, furuis plauditque enormiter alis.

Inque



Ore timente cana canit horrida classica taxo.  
 Haud aliter quam cum lupa non satiabilis vnquā  
 Incidit in prædam, campos vlulatibus implens  
 Auxilio vocitat comites. Sic illa cruentum  
 Inclamat fratrem signo sonituque canoro.  
 Protinus ille ruit, fumans à cæde recenti,  
 Utque ruit, lorica sono frameæque gemiscunt.  
 In nostroque prius fixit tentoria fundo  
 Nuncia quam volucris diffundere fama relatu  
 Id potuit, vel quam cuiusquam venit ad aures:  
 (Inter eos veluti conuenerat, antè nefandum  
 In facinus quàm sic coniurauere, quod ipse  
 Nostris in tesquis habitaret, at illa propinquis:  
 Atque ita discordes facerent hostesque magistros,  
 Et tandem infestos ad prælia sæua mouerent)  
 Sanguineaque manu crepitantia concutit arma  
 Hæc famulis dans signa suis: mox aduolat omnis  
 Quæ stimulauit amor prædæ, atq; cupido cruoris.  
 Cernere tunc equidem fuit, vt frondator ab alta  
 Desiliens tilia vibrat currendo securim.  
 Curuus & vt (media sulci in cauitate relicto  
 Ligone & planstro) cum vomere currit arator.  
 Rusticus & messor (fugiens at vterque laborem)  
 Intrepidi properant, hic falce, sed ille bifurca.  
 Cum canibus, spreta cassa, venator: & auceps  
 Fistula & abiecto visco pedicisque ruebant.  
 Quos madidus sequitur maturæ vinitor vna.

Addit



Addit se comitem, fugiens piscator ab vnda,  
Quem soliti tremulae tædebat arundinis vsus,  
Nullaque cura fuit salientes ducere pisces,  
Abijcit ast hamos, & lina madentia linquit.  
Deserit igniuomios, cum dura incude, caminos  
Hinc faber, illepida tinctus fuligine vultum,  
Malleo & ingenti fremebundus forcipe venit.  
Venit & impurus picea pinguedine sutor.  
Ipse etiam sartor (quamuis pede claudus ab vno)  
Forfice dira minans gressu vacillat anbelo.  
Innumerique suas alij liquere tabernas,  
Lucra requirentes maiora, labore minori.

COR:

*periculum*  
O nimium fatuos, ô terque quaterque misellos,  
Qui tali sese precio diuendere tentant,  
Sicque suam dubiae morti vouere salutem.

THYR:

*notabilis*  
*Musis vale*  
*Heere*  
*Tartarus*  
Quid non dira fames auri committere suadet?  
Hæc eadem vili non solum plebe creatos  
Impulit, ast etiam generoso stemmate natos.  
Imò alios etiam doctæ qui sacra Mineræ  
Castra reliquerunt, Martisque profana petebant:  
Præ cunctis etiam quæ sunt auidissima, namque  
Excipiunt quotquot, simul et quoscunque, valoris  
Nec non respectu sine gentis, & ordinis omni.  
Tartareus veluti cunctis patet Orcus, et à se (lo.  
Reijcit haud quenquã, aut numero satiatur ab vl-  
Sic tua cõueniunt, Styge cū, Mars horride, castra.  
Ad quæ tunc nigrū quoque se conferre Menalcæ  
Vidimus, ex vernis fuit is celeberrimus vnus  
Martis,



Martis, Theutoniæ patrîs quoque venit ab oris,  
Et secum induxit numerosum militis agmen.

Præstat idem, retinens cognomina prisca trahendo  
Omen habet nomen, detraxit plurima nobis,

Præcipuus rigidi fuit is quoque verna Gradiuj.  
Sicque inter spacium breue temporis ipsa scatere  
Conspecta, omnigeno sunt milite pascua nostra.

Purpurei sicut peramæno tempore veris  
Cum tepidi mulcent zephyri, Phœbusque sereno  
Lumine cuncta fouet nascentia, iamque reduxit  
Arboribus frondes, telluri gramina, flores  
Herbis, vestiuit lepidi fruticesque virore.

Depopulabundo quot tunc insecta vagantur  
Ore, vel in liquido saliant quot rore Cicadæ,  
Thyrsi tot his nostris tunc grassabantur in armis  
Crudi Mauortis famuli: Pro Daphnidis, & se  
Iactantes, nostra nostrumque salute vocatos.

Incedunt tumidi, talo tenus atque nefandè  
Bracchati, certant ingentes ponere passus:  
Cristatus veluti Gallus solet, vtraque quandò  
Implicitur stupis sibi tibia: Siue paludem  
Cum liquidam, ranis inuisa, Ciconia transit.

Vana profanato quoque plurima gutture ructât,  
Præcipue glomerantur vbi, coeuntque gregatim:  
Tunc se collaudant, mentitaque prælia narrant,  
Atque cicatrices monstrant à fortibus armis  
Inflctas, sed quas dederat meretricia dextra.

Quisque audet septem quoque se præferre colonis,

B

Virtu-



*Virtutesque citant, ac omnia numina, testes,  
Cum neque virtutes curent, aut numina norint.*

*Minor* *Sæpè etiam superant, & sesquipedalibus hostes  
Longius absentes uerbisque minisque trucidant.*

*Nunc arces capiunt, nunc vrbs mania rumpit,  
Castraque deripiunt, at nil nisi verba supersunt.*

*Soluo* *Isti ego quid valeant, sed verius omnia dicam:  
Multa vorant, et multa bibunt, mala plurima pa-  
Et quos à seuo debebant hoste tueri, (trant.  
Hos ipsi spoliant, primosque lacefcere gaudent.*

*4. C O R:* *Crudele et petulàs genus est qui castra sequuntur,  
Namque licere putant etiam, quacunque lubebit.*

*7 H Y R:* *Hisque ita contractis, lustratis, atque decenter  
Instrictis, mox in vicinos ducitur hostes.*

*Mars* *Mars aciem nostram direxit, & impulit ipse,  
Aduersam Bellona: nigros turbata capillos  
Et laniata genas, fluidoque cruore rubenti  
Circumcincta sago, madefactam sanguine belli  
Debaechante facem, dextra gestansque rotansque  
Antè suos graditur, mentesque accendit & iras:  
Ausu tamen non est in apertos ducere campos  
Ipsa prior, nostroque manus cum milite coram  
Conserere, ast intra notos munimine fines  
Et scopulis tutos, se continet, atque maniplos.*

*C O R:* *Illa sui generis fecit de more profecto:*

*ira* *Nam licet irarum vehementi fluctuat aestu,  
Terribiles spiratque minas, tragicoque furore*

*Provo* *Prouocat, inuictò simul omnia conterit ore*

*Fœmina,*



Fœmina, ridiculum pecus : at si fortè futurum  
 Turbet qui imperium, plagisque coërceat ipsam  
 Senferit, extemplo positis cum viribus armis  
 Mansuescit, trepidat, se comprimit atque silescit.  
 Salsa quidem, sed vera refers, piscator ab ictu  
 Quippe sapit, sapit & sic se Bellona tuendo.  
 Non ignara quidem valeat quid Danica pubes  
 Et procerum virtus : tenet alta mente reposta  
 Fortia maiorum nostrorum gesta, veretur  
 Ne iam, quæ toties à nostris, contigit istis  
 Antè aruis, & quæ nuper nunc accidit agris  
 Dithmaricis, eadē quoque nunc fortuna sequetur.  
 Interea noster generoso percitus Oestro  
 Impatiensque moræ Daphnis, ne tempora perdat  
 Augusto vocat ore Duces, armare phalanges  
 Pretinus, & belli tentarier imperat hostes  
 Sorte. Illi parent rutilantia castra, moventque.  
 Mox oritur stridor lituum, clangorque tubarum,  
 Raucaque multiplici reboabant tympana pulsu.  
 Insequitur nymbus peditumque equitumque: vo-  
 Acta manu celeri vexilla, leonibus illa (labant  
 Cæruleis minibunda tribus, reliquoque trophæo.  
 Intrepidè irrumpunt, latè & cultoribus agros  
 Deuastant, primo insultu quæ nomen ab Alce  
 Fert, arcem tam vi quàm deditioe capeffunt.  
 Insuper vltèrius pergentes obuia quæque  
 Firma licet, nullo superant capiuntque labore.  
 Quin etiam quoties erumpere cogitur ipsa

THYR

Relly

B 2

Atque



Atque laceſſita in planis ſe oſtendere campis  
Auſa fuit, quamuis decuplò robuſtior eſſet  
Tum numero, tum tormentis, alioque paratu:  
Noſtrorum tamen eſt valida virtute reſſeſſa.  
Vera loquor Corydon veniam da vera loquenti:  
Teſtis & eſſe poteſt Halmſtadica pugna fugaque,  
Hinc ad Falconum celebris victoria montem.  
Ut ſileam toties fuſam, totiesque fugatam  
Noruegicis (id quis quaſo non nouit?) ab oris.

COR: Audieram certè, admirans ſed ſæpè ſtupeſco  
Qui potuit Daphnis dictos defendere fines,  
Cum fuerit tanto ſpacio ſemotus ab illis.

THYR: Quaſo manus longas neſcis tu Regibus eſſe?  
Atque in Danigenum præſenti corpore terris  
Apparere licet Daphnin conſpeximus ipſi:  
Attamen in reliquis potuit nihilominus iſtis  
Eſſe plagis, fama virtutis, & hoſtibus eſſe  
Ingenti potuit terrori, nomine ſolo.

COR: At cum tot res, & tantas, is geſſerit abſens  
Quid tunc quod præſens commiſerit, oro putabis?  
Credo equidem melius, quam tu narrare valebis  
Illa mihi, nam quis iuuenilem neſciat eius  
Illuſtris feruorem animi? totque inclyta facta,  
Pectore magnanimo ſemper quæ prodit? & ipſis  
Præcipuè in rebus proſperrima fata gerendis?  
Dignè igitur poterit magnus dicique Secundus.  
Sed te Thyrsi precor mihi ne memorare graueris,  
Quos habuit Dano ſummos de ſanguine cretos

Patria



Patria nostra duces, procures, aliosque celebri  
 Nobilitate viros, hoc belli tempore quorum *nobilis*  
 Emicuit virtus, & strenua dextra, fidesque. *celebris*  
 Certior ut reddar de tantis obsecro rebus,  
 Ad me vix tenuis famæ quas pertulit aura. *fama*  
 Ipse vides summa ut villarum culmina fumant, *THYR:*  
 Oceanoque iubar properet nunc abdere Titan. *vepper*  
 Ergo tibi breuibz saltem perstringere cogor,  
 Quæ post æterno mihi sunt memoranda relatu.  
 Præcipuum belli ductorem, Daphnis, auito  
 Sanguine Rantzouidum, prima sed origine Danū  
 (Si proavos repetas) Daniele nomine dictum  
 Constituit, mandans turmis equitumque præesse. *profecta*  
 Agmina sed peditum rexit Brochenhusius heros.  
 At Podebuschorum Mauricius incluta proles  
 Infracta armigeros eduxit mente cohortes *innuolus*  
 Ad pugnam, quotquot fecunda Fiona misit.  
 Sed quam diues opum contraxit Scania turmas,  
 Holgeriana fuit soboles dux impiger, Haccho.  
 Verum bellipotens quos ciuit Iuthia Cimbros  
 Gregorius nomen qui fert à dente lupino  
 Partim egit: partim celebri de stemmate Petrus  
 Aurea, cui in signis, & nomine, stella coruscat. *in signis*  
 Quin & Nicoles, cui Dresselbergicus ortum  
 Præbuerat sanguis, legiones rexit, amœnis  
 Quas populosa suis Sielandia fudit ab oris.  
 Hinc quoque Noruegico cõpleuit milite campos  
 Ericus roseo, qui fert cognomina ferto,



*omina*  
*de Berrimon*  
*orig. Sarnia*  
Nobilisq̃ue trahens illustri à sanguine stemma.  
Addunt se socios Euerhardus, stirpe vetusta  
Bildorum satus, atque suæ laus viuida gentis:  
Christernusq̃ue genus seruans, præclaraq̃ue facta  
Munchorum, remanens nec gloria parua suorum.  
Hos super aduenit Khasiana gente Iohannes  
Non minus externis, patrijs quàm notus in oris,  
Duxit & is valido florentes ære cateruas.  
Nec deerant gemini diuersa stirpe Stenones,  
Ille Rosenspareis, decus hic sed nobile Bildis.  
Insuper Ericus præstans Podebuschia proles.  
Nec non Christophorus Lungorū clara propago.  
Præterea reliqui (neq̃ue gloria vana suorum)  
Nō minus antè acies primi, intrepidique ferūtur,  
Quàm Domini pro sorte sui, patriæque salute,  
Ad bellum prius accelerant, in vtrunque paratj:  
Quisq̃ue suæ memor existens virtutis auitæ:  
Scilicet ad pugnam quotquot tribus Oxea misit,  
Quot Lyckea, simul quot Langea, quotq̃ue Gyana,  
Cūq̃ue Rosensparea, Krumpena, quot atq̃ Bradea,  
Bildea cum Krabea, cum Pasbergense Iulina,  
Bannerea, et quoscunq̃ue dedit Rudeana propago.  
Quosq̃ tulit Frisens, quosq̃ Hardēbergicus ortus,  
Et quos Bernkonius, quos Trolleus, atq̃ Grubeus,  
Ac Laxmandiacus, nec non Ugeropius: & quēs  
Nomina dat Delphin, quib. et dat nomina fluctus.  
Hinc quoq̃ue stirps à se quos Stiseniana profudit,  
Klsfeldina simul, quos Schrāmea, quosq̃ Schauenā,  
Urnea,



Urnea, Rennouia, Bryskina & Sparrea, Binga,  
 Godschea cū Brochia, cū Strangea Beckia, Dhaq,  
 Krausea quosq; dedit, quos Lūgia, quosq; Schelina.  
 Et cum Krumdigica quos Hackia misit & Holcka,  
 Uenstermandiaca deerant neque stirpe creatj:  
 Nec de Skenchelida, seu de Lindennouiana  
 Vel Sckougardina: Veniunt & fortiter instant  
 Præterea quibus est Fassorum sanguis origo,  
 Ac Galschötthorum nati, prolesque Tothorum.  
 Et qui Zestedica prognati gente, Timannis  
 Quique sati fuerant, qui Styggis, Rostropysque.  
 Quid Uualchēdorffos referat? Bissosq;? Suogosq;?  
 Vel Flemingiaco, aut Höcheno stemmate cretos?  
 Quitzonidumne genus? Kiörningorūne nepotes?  
 Venit & Högorum soboles, venitque Sualorum,  
 Nec non Uuindorū: Quis dant Pemaria, dantq;  
 Prisca quibus regio nomē: quibus atque viroris,  
 Montis arenosi quibus & cognomen adheret  
 Venerunt etiam: Venit quoque Norbyca proles:  
 Et cum Splidea Porsena: sibi que Globea  
 Iungit Hedenstropiam, Sckadena sed Harbouianā,  
 Ac Normannorum cum posteritate Preporum,  
 Compluresque alij quēs nobilitatis origo,  
 Atque fuit virtus, & dextera fortis in armis,  
 Qui quoque se fidos terrestri in Marte probabant:  
 Quos ego nec vidi quorum neque nomina noui,  
 Nam possunt omnes non omnia scire bubulci.  
Quid tu terrestri narras mihi Marte fuisse

COR:

B 4

Con-



Congressos, etenim quis nescit in aëre posse  
Præter pennigeras, nullos pugnare, volucres.

THYR: Velivolis igitur sulcatur nauibus aër? *navi*

Præbeat iste tibi portum dare vela volenti.  
Belligerisne patet spaciosum classibus equor?

COR: Thyrsi peregrinis ego cum versarer in oris  
Crede mihi, quid sint, quid sint semel æquora sensi.  
Persuadere mihi nec possum vivere quenquam

*nam se*  
*mittere* Fascinat incautam cui tanta audacia mentem  
Ut se cæruleis tentet committere lymphis.

Namque ego, vix credas, ex illo tēpore quantum  
Ad nomen navis trepidem, mortemque pauescā.

THYR: Quæ tua sint igitur narrare pericula perge.

COR: Fortè die festo fluuij spaciabar ad vndas

(Solutus & ignotus) vocitant quæ Saxones Albim:

Arbitror hunc vastum dici mare, namque locorū.

*quare* Non vsquam visa est mihi copia maior aquarū.

— Dumque ibi ludentes fulicas, mergosque sonoros  
Spectarem, quidam venit en Stratiota, strepentes.

— Indagans anates, mihi latiferoque tremendus

— Sclopeto, limisque tuens, ait ocys: heus tu

Stellio quid mergos numeras? hanc illico lintrem.

Dirige, donec aues (en remum) consequor istas:

— (Hæc mandans anates & cymbam monstrat adun

Meq; ita confestim secū conscendere cogit, cam)

Horrentem fluctus, & gurgitis ima trementem.

*membrum* Nec procul à viridis vehimur iam margine ripe,

Ferrea terribili quum glandem canna fragore

Eiacu-

Ei  
Su  
M  
P  
I  
Et  
I  
M  
S  
N  
S  
D  
P  
E  
T  
S  
S  
S  
I  
T  
T  
C  
Q  
Q  
T  
C



Eiaculatur, ego cœlum sonuisse ruinam  
 Sum ratus, in gelidas subitus simul excutit undas  
 Me paor: ab mecum tunc actum Thyrsi fuisset,  
 Protinus auxilium nisi fulua tulisset arena.  
 Impius immodicè me risit, at iste, natantem,  
 Et liquidos risit reuomentem pectore fluctus.  
 Ipsa quidem magno res est dignissima risu, *THYR:*  
 Maiori sed es ipse: maris qui nomina vasti  
 Albidos attribuas arcto, placidoque fluento.  
 Non ita colliculum monti, pennamue volucris,  
 Aut fagum sylvæ, seu moli corporis artum,  
 Denique vel parvis componere maxima fas est.  
 Præterea modico qui sic terrere susurro  
 Exilis iaculi: Quid si Vulcania, quid si  
 Tam grandes chalybis tormēta vomentia massas *tormēta*  
 Atque repentinas, ut dira tonitrua, flammæ  
 Audires Corydon? animi sed inesse quid illis *animi*  
 Sentis, immenso qui se committere ponto *mare*  
 Scilicet impavida non unquam mente verentur? *Metus*  
 Inter tot nymbos, tempestatesque furentes,  
 Totque inter scopulos, tot stridentesque procellas,  
 Tot breuia et Syrtes, tot Scyllas atque Charybdes,  
 Grandia totq; inter Cete, totque horrida monstra.  
 Quid multis? fati intentant ubi cuncta supremū. *periculi*  
 Quin etiam infestis audent concurrere signis, *pugna*  
 Ac inter vastos committere prælia fluctus:  
 Prælia non tantum quæ ferro pellere vim vi  
 Cominus hortantur, seuisque dolonibus uti, *pluvium*  
 B s Pilaque.



*tormenta*  
Pilaque vibrare, & celeres torquere Cateias,  
Sclopetisque globos liuentis spargere plumbi:  
Imò etiam paulum nauali lege remotas  
*7*  
*propria*  
*Spandens*  
Quæ certare rates exposcunt, atque vicissim  
Eminus horrifonis suadent decernere telis,  
Sæuaque terribili tormenta explodere bombo.  
Unde fretum resonat gemitu cælum remugit,  
Et concussa tremit tellus, ac horret Auernus,  
Exanguesque graui flent præ formidine manes:  
Unde etiam densos inter, fera fulmina, fumos  
Crebra micant, & sulphureo nidore replentur  
*caligo*  
Omnia, sparguntur spissæ caliginis vmbra,  
Quæ socio socium ex oculis, cælumque, diemque,  
Eripiunt, piceo passim nigrore volantes,  
Summaque surgentes ex imo ad nubila fundo:  
Non aliter quam si, desertis Æthna Sicanis,  
Islandosque suos violenta relinqueret Hecla:  
Ad sæuamque fremens descenderet vtraque pugna:  
Obuia iam patulo, quod si vestigia campo  
Fortè ferant, & conueniant simul, illicò totis  
*fortiter*  
Viribus insurgunt, animisque ferocibus instant:  
Alternantque vices certatim, fulmina spirat  
Vtraque, saxa vomit, tremulas iactatque fauillas,  
Exesoque nigros exhalat vertice fumos,  
Atque cauernosis reboat fera murmure cryptis.  
COR: Hei, demiror eos audent qui talia, pugna  
*pericula*  
Scilicet, atque freti, gemino se exponere fato.  
Aut rigidum certè circum præcordia ferrum

His



His est, aut solido mens ex adamante, vel imis  
 Visceribus gestant plus quàm mortalia corda  
 Qui fuerint illi ex nostratibus, ergò recense.  
 Atque Carinarum, quæ constant, nomina pande.  
 Nil morar; ut virtute prior fuit, Odine primus THRR:  
 Occurrit simul Herluffus, fæliciter ortus.  
 Stemmata Trollorum: celerem qui ritè fauente  
 Fortuna, rexit Fortunam: quique superba  
 Exitium Maglosa tibi tulit, idque stupenda  
 Mole licet, nec non immensis viribus esses:  
 Solaque tu puppes alias contemseris omnes.  
 Et licet (ut fama est) Proteus Nereidas inter  
 Mole sedens, virides succant dum sole capillos: Similitudo  
 Et conchæ inflatu Triton, dum cætera Pontj ex Cui: L:  
 Numina permulcet (placidis pars innatat vndis  
 Parsque vehebatur frenatè tergore piscis)  
 Te visa, pauido mox sunt formidine cuncti  
 Perculsi, in fundo seq̃ abduint æquoris imo:  
 Excitus ipse etiam, subitò motusque tumultu  
 Neptunus, causamque suæ dum Tethyos alti  
 Miratur gemitus, scrutaturusque quid hoc sit,  
 Protinus è tremulis madidū caput exerit vndis:  
 Ut primūm tumidis, vidit te incedere velis,  
 Pugnandum ratus summo de iure tridentis,  
 Confestim rapido trepidans se vortice mergit.  
 Non tamen Herluffum terrere pericla valebant,  
 Siue fugare metus: quin contrà audentius iret.  
 Nec prius absistit, quàm te cecidisse videret,  
 Atque:



Atque inter flammæ fastum finire supremum,  
Fluctisonamque tibi statuisset denique tumbam.  
I nunc atque homines cum summis despice Diuis.  
Hinc gemini fratres Rudeanæ stirpis alumni,  
Virtutis specimen produnt Ericus, & Ottho:  
Danicus hunc infert pelago Venator, at illum  
Suetica virgo vehit. Prægrandi cana Iohannes  
Hanibale Vlffstadus secatur equora. Strenua Petrus  
Munckorum soboles sequitur, qui abducere ditem  
In prædam potuit centum vno tempore puppes.  
Hinc Henricus habens aurato à sydere nomen,  
Grabbato inuehitur magna, magnalia patrans.  
Proruit inde Petrus proles Huitfeldica, cuius  
Non minus emicuit pelago, validissima virtus,  
Quam tua Paule solo: dum teque tuamque tueris  
Halmstadium, frustrando suis conatibus hostes.  
Quid memorem Ericum Lyckei stemmatis illum?  
Quidue Ulfeldina industrem, de stirpe Iacobum.  
Aut Ugeroporum quid dicere coner Haraldum?  
Nec non Skenchelidæ Gabrielem gentis honorẽ:  
Delectosque alios procures, armare periti  
Classem, & qui valide reliquas egere Carinas.  
Nempè vel aratum rictu minitante Leonem  
Cornipetamue freto Ceruũ, Gryphemue volantẽ,  
Immanis cui siue Elephas insultat aquarum  
Montibus, Aut toruũ qui viribus incitat Vrum:  
Siue etiam ringens cui Vulpes æquora verrit:  
Aut iracundus subnando immurmurat vsus:

Aut



Aut etiam truce qui sulcat vada cæcula Tauro.  
 Hinc formidandus toto se robore Samson  
 Inuehit: associat quem se grandæuus Abraham,  
 Ancipiti tremulis stringens conatibus ensem.  
 Nec non aligeris, & velox remige, talis  
 Mercurius quatit arma quib. fuit vsus in Argū.  
 Imperiosi etiam spumant freta saucia clauo  
 Herculis, inflexu cedentes supplice rostris  
 Conteret is, proraque sequaces increpat vndas.  
 Quin & præcipiti truculentus labitur Hector  
 Impulsu, Oceanum bellaxque lacescit Achilles.  
 Hinc David Ionatha fido comitatus amicoe  
 Vela subit, parilis tenuit conatus vtrunq.  
 Nec cui pennigero puppis Gabriele refulsi  
 Segnius alba citis infarcit carbasa ventis.  
 Pontigradus sequitur, quem vasto corpore vexit  
 Christophorus, celeres geruloque immittit habe-  
 Inde Ionas infert alto se, pondere Pinj (nas.  
 Tardior: hinc agilis facie nat Maurus adusta:  
 Hirsuto indomitus pariter nat corpore Lappus.  
 Quid referam per vasta leui freta Cortice ferrj  
 Ausum? aut tranantē Merula, vel Hirundine: siue  
 Unguibus et rostro minitans quē Gallus habebat  
 Æquore gestandum: nec non cui prædo natabat  
 Accipiter: mare cui, violenta secaturē Columba.  
 Vel cui ferriuomus tumidis it Struthius vndis.  
 Qui ruit aut demum candenti inuectus Olore.  
 Seu reliquos etiam multis quid dicere coner,

Inuisa



Inuisa infestis subeuntes hostia velis?

COR: Hosne refers omnes tellure fretoque profectos,

Interea patrios qui seruant ergo penates?

THYR: Hic quoque non deerant generis splendore poten-

*Vux* } Atque viri virtute graues, etate verendi, (tes,  
Nec non consilijs dextri, meritisque celebres.

Ac quorum fuit ante fides, & cognita bello

Strenuitas: huius sed belli tempore, cuncto

Delecti ex numero proceum, remanere, domique

Cuncta gubernare, & prudentum more iuuare

Absentes socios, dubio in discrimine, iussi:

Hinc operam Domino semper prestare fidelem.

Hos inter primas Oxorum angusta propago

Petrus habet partes, regni que palatia seruat.

Huic Friseae stirpis decus et laus summa Iohannes

Proximus est: Sequitur Petrus hunc eterna suorū

Gloria Schrammorum, meritis venerandus et an-

Quis non Otthonis virtutes obsecro nouit (nis.

Krumpeni? vel non miretur maxima Magni

Gesta, micat rutili stella cui nomen ab auri?

Et tamen hic famam nihilominus auxit vterque.

Hoc simul Eilhardus facit Hardenbergicus heros.

Praestat idē Byrgerus habens sua stēmate Trollis.

Nec non Nicoleos Longorum strenua pro es.

Se prodit, quantus fuit, inde Georgius, amplis

Lyckeus proauis, proprijsque celebrior actis.

Se quoque Vernerus fidum Pasbergus agebat.

Compluresque alij, fugiunt hoc tempore quorum

Nomina,

No  
Qu  
No  
Scil  
Sun  
Qu  
Flo  
Inse  
Bile  
Ad  
Kh  
Bio  
His  
Qu  
No  
De  
Cui  
Qu  
Ni  
(  
Al  
Ar  
Ta  
U  
Id  
Se  
P  
D



Nomina, quos honor, & titulus decoravit equestris.  
 Quid tibi præterea reliquos memorabo celebri  
 Nobilitate viros, atque integritate potentes?  
 Scilicet est soboles Munchorum qualis Olaus:  
 Summa vel est Abston clarorum fama Iulorum,  
 Qualis & Holgerus, qualisque Georgius extant,  
 Florida quæis roseum largitur nomina sertum.  
 Insuper & Petrus, laus summa, & fama perennis  
 Bildorū: immensum pariter decus Ottho Bradorū.  
 Adde etiam geminos Biornones, alter alumnus  
 Khasorum ingenuus: veterum præclara sed alter  
 Biornonum proles: virtute probatus uterque.  
 His (est dignus enim) pariter superadde Iohannē,  
 Quo Schougardiæ meritò se stemma fatetur  
 Nobilius, iactatque suæ virtutis honorem.  
 Denique Nicoleon simul annumerare decebit  
 Cui genus à Khasis, prudentia Pallade surgit,  
 Quemque satis proprij commendat gloria facti.  
 Nī fieret, possem plures, mora longa, referre:  
 (Verum quos aliàs) Sed qui iam nomine cōstant,  
 Atque recensitos terra, pelagoque, domique,  
 Audisti, fuit his industria tanta, fidesque,  
 Tantus amor patriæ, belloque scientia tanta,  
 Ut iam servissent iterum vicinia nobis,  
 Id nisi cum superis fors invidiosa negasset.  
 Sed quid ego frustra incuso fatumque, Deumque,  
Perfidiam potius, fraudemque dolumque, scelusque *dolus*  
Detestaturus nigri, sine fine, Menalce:

Qui



Qui vix in nostros vestigia fixerat agros,  
Cum se, cum socijs iam prodere turpiter ausit.  
Nectit namque moras, et idonea tempora differt.  
Flagitat aestiuo Brumalia frigora sole,  
Frigore Brumali sed contra aestiua requirit  
Tempora: Vere tener non sufficit herba caballis,  
Autumno hanc hostis maturam falce recidit.  
Pastores alij causam statuere timorem,

*Soly* Quo formidaret sic hostes, atque pericla:  
Sed pars perfidiae factum, technasque putabant.

COR: Desipit is, causam qui non concedit vtramque  
Præcipue postremam: etenim sic fallere tempus,  
Est vetus aucupium: prolixo tempore namque  
Militibus lentis, prolixa stipendia surgunt.

THYR: Me Faunus, sic est: id nunc ego cogito primum:  
Hinc eius tam segnis erat progressus in hostes,  
Impiger at reditus: Sed sic dum fallit, agitque  
Serio nil, volitat pernix occasio, tantum  
Fronte prehensibilis: multi labuntur & anni:  
Impediuntur & hinc fortune munera nostræ.  
Non tamen interea Mars & Bellona quiescunt,  
Propositum sed quisque suum vehementius vrget,  
Instigando viros: is nostros, illa propinquos,  
Alternam in cadem, nec non ad mutua damna.  
*Striges* Unde tot ærumnæ, tanta infortunia, totque  
Casus, quæ vidi non tempore tristius vllò.  
Nā præter strages hominum miserandaque fata  
Quos partim subito violentus perculit ensis,

Sed



Sed partim viuos hostilis surripuit vis,  
 Atque sequi vinctos alienas cogit in oras,  
 (Hinc & tot queruli pupilli, tot viduæque,  
 Tot sponsæ sponfos, socij sociosque gementes)  
 Ipsæ etiam pecudes affligebantur, in ipsis  
 Quarum pars stabulis pereunt, pars diues abactæ  
 Præda manent hosti, lanamque cruore resignant.  
 Parcitur haud minimis: vituli sed ab ubere, nec  
 Et tepidis teneri rapiuntur ouilibus agni, (non  
 Aut, qui tota vsit magalia, ab igne vorantur.  
 Quid multis? amnes libavit nulla liquentes  
 Quadrupedum tutò, vel graminis attigit herbã.  
 Quin etiam tellus passim cultoribus orba  
 Mæroris data signa sui, solitiq̃ue decoris  
 Oblita, & fœcundæ fertilitatis, ubiq̃ue  
 Aret, & ingenti luctus squalore laborat. *dolor*  
 Proque satis lolium, sterilesque reportat auenar, *sterilis*  
 Cum tribulo inuisas filices, lappasque tenaces,  
 Mordacesque refert vrticas, atque proteruos  
 Fungos, ignauos tapsos, & mille cicuta.  
 Proque leguminibus vicias, erransque papauer,  
 Titthymalos & Hyoschiamos, redditque ligustrũ,  
 Innumerasque alias inuisi nominis herbas.  
 Et quia sic fruges alimenta que iusta negantur  
 Illicò dira fames paulatim serpere cæpit:  
 Quæ dum tabe sua, miseros depascitur artus, *fames*  
 Plurima damnosos animalia cogit ad esus,  
 At alijs inopi soluit ieiunia morte.

C

Corpora



Corpora facta iacent syluis, agrisque, visque,  
Nauseo commemorans) graueolente fluentia tabo.  
Hinc quoque temperiem virosam contrahit aura,  
*pestis* Pestiferamque luem, quæ diro millia multa  
Infecit vicio, vel funere mersit acerbo.

*72* Illa quidem noluit (sed quid conamina prosunt  
Morbofo, ne labæ alios contaminet vnâ?)

Expirando luem gemit, flevitque nocendo.

Denique quorsumcūque oculos, animūque reflexi

*facies mystris* Nil nisi luctus erat, faciesque miserrima rerum,

*lis* Cumque paupor plagis, & plurima mortis imago.

Nec tantum tellus ita contristatur, & aër,

*Dolet* Sed simul vnda graues visa est agitare querelas,

*fleo* Quicquid & vnda tenet: Praesertim Suetica Te-

Fletibus auget aquas, fatū miserata suorum, (thys

Bellona et Marti indignans mala plurima vouit:

Proque suis virides extollit in aëra palmas,

Suppliciter tristis, funditque precantia verba:

Atque ita: Pan residens super alta theatra Lycei

Cunctipotente regens simul omnia numine rura

Et quæ rura tenent. Precibus si flecteris vllis,

*precor* Hæc nunc vota rogo facili mea percipe sensu.

En, vt cum socia, vastat tua regna Gradivus,

*Leo* Nec sceleri modus est horum, vel casibus vllus

Illorum: & certè pereunt mox omnia, si non

*capitulos* Auxiliatricem porrexeris illicò dextram.

Reprime (namq. potes) grassantia reprime mōstra,

Atque citò lapsis fer opem mitissime rebus.

Tunc



Tunc tibi perpetua referetur gratia laude.

Propitia votum (tandem miseratus) is hausit

Aure: reluctantem frustra toruumque tuentem,

Compeditibus, vinclisque feris, mandavit utrunq;

Constringi, & valide tenebroso in carcere claudi:

Fertur inauditas luiturus sanguine pœnas,

Ad Stygias viuis vel præcipitandus abyssos.

O sceleris tanti verè dignissima pœna.

Indè venenosam purgavit ab aère tabem,

Restituit terræ, quoque fertilitatis honorem,

Atque vndis alacrem fluxum, viresque salubres.

Quin & sepositis rixis armisque, ligavit

Mi Corydon, ambos concordi pace magistros.

Fœdera finitimos igitur nostratibus esse

Obsecro Thyrsi putas sociatos nuper amico?

Sic est ut refero, sed quid Pan egerit ultra

Percipe, mox etiam vernas, reliquosque coëgit

Mauortis famulos, aruis excedere nostris.

Tum si vidisses quam bracchi pondere tardi,

Et quam pro domino tristes repserè fugati

Risisses Corydon: non tunc velut antè gregatim

Incedunt tumidi, vel passus ponere certant.

Sed velut intrauit pinguem cum spurca culinam

Turba canum, stimulat quā fœda libido vorandi,

Atque ibi iam prædas in opimas incidit, ô quam

Luxurit, ingluvieque sua non segniter instat,

Mutuo gratatur nutu, caudaque triumphat.

Nec prius absistit petulanti cuncta tumultu

C 2

Sternere,

COR:

THYR:

COR:

THYR:



Siue coci potius feruentes sentiat vndas:  
Crura tamen fugiens lentè mouet, atque subindè  
Respiciens rictum lambit, caudamque sub aluum  
Abdit, & ob stomachi dispendia flere videtur.  
Haud secus hi nostros flebant, & lentius ibant  
Deserturi agros, caput & persæpè retorquent,  
Hoc quasi signantes: ô pinguiâ rura valete  
Perpetuò vobis vtinam seruire liceret.  
Visa sed illa fugam sunt, accelerare iubere,  
Quicquid & illa tenent: reliquorū nomine, fures  
Ite sonat gallus, clamauit & anser abite.  
Quin & ab arboribus quarum spiramine frontes  
Africus inflexit, via monstrabatur, ad orcum.

COR: Non igitur dubium quin nunc meliora sequantur  
Tempora, cum Domino, pulsus nebulonibus istis.

THYR: O Corydon quis prisca modò reditura negabit  
Secula? quæ fuerant Saturno sceptrâ gerente,  
In quibus vsus erat ferri non vllus (arâtris  
Seruiat id Corydon nostris) sed mollia gentes  
Ociâ securi peragebant: omnia tellus  
Spontè dedit, sterilis Narcissum protulit alnus,  
Atque rosas humilis fudit saluunca rubentes,  
Lenta salix ficos, vernauit hibiscus oliua,  
Vulnificique croco sentes, vniſque genista.  
Floruit in teneris & nux moschata myricis.  
Aurea laticomâ platanum quoq; mala grauabât.  
Nunc riui lactis, riui nunc nectaris ibant,

Flaua-



*et semper ac per tota saecula luce mea.*

Tanta fuit cunctis etiam concordia brutis,  
 Nempe lupos ovis, ac inter vaga cerua leones,  
 Et vitulus rigidus ut tuto errauerit vrsos.  
 Cum canibus pauidæ steterintque ad flumina Damae.  
 Inter & accipitres impune volarit alauda,  
 Noctua cornices, audios miluosque columba.  
 Quid multis? pleno fuit undique copia cornu,  
 Undique tuta quies, ac undique summa voluptas.  
 Hæc siquidem reditura putas, nunc denique Thyrsi: COR:  
 Desino mirari te quid mutauerit ipsum  
 Et vultum gestumque tuum, vestisque figuram.  
 Cur quoque lætitiæ passim tot signa dederunt  
 Omnia, quæ vidi rediens, ac auribus hausi.  
 Lætior excelsas cecinit frondator ad auras,  
 Et volucrum lepido resonabant omnia cantu.  
 Sunt quoque visæ omnes agitare cacumina sylvæ,  
 Atque feræ celeri protendere gaudia saltu.  
 Et pecudum viridi grex luxuriavit in herba,  
 Nec non pisciculus liquidis saliebat in undis.  
 Quin simul in vitreo ludentes amne sequuntur  
 Naiades, et reliquæ glauca cum Doride Nymphæ.  
 Hinc quoque cantantes Dryades, viridesque Napææ,  
 Inter semicapros Faunos, Satyrosque bicornes,  
 Pallentes violas & grandia lilia cuncti  
 Quassantes, viridi & redimiti tempora pinu,  
 Leniter in celsis festas duxere choreas  
 Montibus, hæc animo fortasse futura tenentes:

C 3

Numina



Numina venturi nam non sunt inscia fati.

THYR: Nil dubium: statuo melius tamen omnia nostrū  
Noscere Pana, fluunt hæc, à quo, cōmoda nobis.  
Hic mihi semper erit Deus, illius atque quotannis  
Agniculus nostris è septis imbuet aram  
Sapius, huic molis & lacte litabo recenti.  
Et fuero si quando meæ per secula vitæ  
Illius oblitus, fœdissima vipera nostris  
Sibilet in tumulis, defunctæque deuoret ossa.  
Sed iam vesper adest, en sera crepuscula densas  
Inducunt nebulas, & gramina rore madescunt.  
Surgamus, placidam suadet lux acta quietem,  
Atque vias facit infestas nox atrior, ergò  
Eia age nobiscum notas te conser ad ædes:  
Cimbriacæ mihi sunt pernae, sunt oua fauillis  
Cocta, bouis tergum, pinguisque tomacula porci,  
Caseus, & lactis suauissima massa coacti.  
Nec non in patulis liuentia pruna canistris,  
Quæ mihi longinquis aduexit Porchius oris,  
(Porchius antennas quo non velocior alter  
Scandere sublimes, prensoque rudente relabi)  
Pomaque cū nucibus: mecum precor illicò perge,  
Ne veterem Corydon agnatam despice Thyram.

COR: Parerem, nisi nunc materni cum Galatææ  
Me desiderium tecti tam grande vocaret,  
Quæ constat tibi, tot me non vidisse per annos.

THYR: Attamen à nobis haud indonatus abibis,  
Hoc tibi, taurino ex neruo, sed sume flagellum  
Inductum




Inductum corio, nitidisque ex ordine clavis  
 Distinctum, quo sæpè lupos prosternere Mæris  
 Atque suam indigne Grittam mulctare solebat.  
 En (sit hebes licet) hac sica te dono vicissim,  
 Qua se Slemlossus, trux ac edentulus iste,  
 Cornua cum sumsit, Baccho stimulatus & ira,  
 Ulcisci in furnos, lepidesque, & cymbia suenit.  
 Crastina cum primum roseis aurora quadrigis  
 Fulserit, inuisam mihi credito, iamque valebis  
 Thyrsi gregis custos Cimbrorum gloria Thyrsi.

COR:

F I N I S.










3094.







3094.